

大方等大集經

第二十四

九十三
有二

47698



元祿九年丙子二月日重修

皇圖

聖

帝

佛日

增輝

轉

山城州天安寺法金剛院置



大方等大集經卷第二十四

北涼天竺三藏曇無讖譯

有周富

虛空目分第九

世間目品第二

尔時世尊即放眉間白毫相光悉蔽十方諸佛世界日月星宿珠火燈明所照之處一切

石山諸惡棘刺為不復現十方無量恒河沙

等世界衆生見是光已各各繫念思惟善事

其中諸佛見是光已各告已衆而作是言善

男子過於無量恒河沙世界彼有世界名曰

娑婆具足五滓有佛出世号釋迦牟尼如來

應正遍知明行足善逝世間解無上士調御



丈夫天人師佛世尊無量世界無量菩薩無
量聲聞悉集彼土坐彼佛前彼佛即為宣說
法行法目陀羅尼門為諸聲聞說法行已放
大光明將欲演說淨目法門陀羅尼法為中
乘者得緣覺果為諸菩薩莊嚴成就阿耨多
羅三藐三菩提具足才地如來十八不共之
法轉不退輪壞三惡趣令修八聖得無上果
尔時十方恒河沙等世界諸眾聞是語已各
各白佛言世尊我欲往彼娑婆世界至說法
處聽受如是淨目法門尔時無量諸菩薩眾
悉共來詣娑婆世界到於佛所頭面禮拜却
坐一面時此世界無量梵天往至佛所供養

恭敬却坐一面百億魔天百億他化自在天
百億兜率天百億夜摩天百億帝釋天百億
四天王天百億日月天百億自在天百億閻
羅王百億地行鬼四百億阿脩羅四百億龍
王如是等衆悉向佛所恭敬供養却坐一面
無量沙門及婆羅門悉得神通來向佛所恭

敬供養却坐一面諸世界中外道相師見光
明已作是思惟如是光者非是日月星宿之
明必是異光如是不久七日並出當燠四海
須彌山王一切草木其後欲界水災當出或
復有言却後不久必當雨毒害於一切或復
有言却後不久必當雨刀害諸人物惡時將

至誰能救之或復有言瞿曇沙門憐愍一切
唯是能救施其壽命尔時一切無量衆生至
心念佛念已即見是大寶房以佛力故即至
房中尔時波斯匿王以佛力故亦見寶房以
佛力故得到房中優填耶那王惡性王輸頭
檀王摩醯陀王須陀奢那王頻婆娑羅王如
是等王亦因佛力得見寶房悉至房中供養
禮拜王次第而坐各作是言今此衆中有大
仙人有佛世尊此光因緣今當問誰當問仙
人問佛可耶尔時須陀奢那王言我今有大
婆羅門師名曰電鬘善知相法能解能說是
最可問電鬘聞已即作是言我所博覽一切

相書都無此事我實不能解此光瑞閻浮提
中一切相師其數五百悉不能解尔時頻婆
娑羅王語諸王言汝何故狂此大衆中有佛
世尊号釋迦牟尼具一切智善知世間出世
間相了十二月善相之書大悲憐愍一切衆
生實語正語唯佛能說是光報應尔時諸王
及諸大衆一切宗仰共白佛言唯願如來爲
我等說十二月相書佛言大王今此大會不
應宣說世間相書頻婆娑羅王白佛言世尊
今此衆中有諸衆生不信如來所有功德又
不信是一切智人唯願破壞如是疑心而宣
說之是諸衆生若得聞已心生喜信生信心

已乃可為說出世之道如是衆生亦當專受
易可調伏佛言大王至心諦聽我當說之大
王徃管雪山有一仙人名跋伽婆食菓草根
修習慈心而不能除諸煩惱結不能調伏貪
欲之心時彼住處有一雌虎即共行欲虎即
懷任日月既滿至仙人所產十二子是時仙
人心憐愍故即取洗浴而哺養之虎母心愛
隨時乳養介時仙人各為立名一名竭伽二
名跋伽婆三名為虎四名師子五名擔重六
名婆羅墮閣七名步行八名婆娑羅奴九名健
食十名惡性十一名師子檐十二名健行是
十二子年始七歲食草根華果是時父母俱時

終亡時十二子心懷愁惱仰天號哭如何一
旦無所歸依時有樹神聞是聲已作如是言
諸童子且莫號哭有歸依處所謂梵天憐愍
衆生汝等應當晝夜六時淨自洗浴向於虛
空至心禮拜求哀梵天梵天當以無礙天耳
聞汝等聲聞已當來至汝住處以憐愍故來
已當壞汝等癡闇施慧光明得智慧已一切
諸天當供養汝況世間人時十二子聞是語
已如教而行經十二年然後梵天乃聞其聲
即來下至三十三天介時帝釋見梵天來即
前供養既供養已即復白言大士欲何所至
憍尸迦汝不見彼雪山之中十二仙耶憍尸

迦可共往彼時釋提桓因與無量天相隨俱
下至雪山中時十二仙見梵天來歡喜踊躍
禮拜供養時梵天王告十二童子汝等何故
十二年中精勤苦行供養於我欲何所求為
求名聲色力財寶聖道智慧諸天身耶時竭
伽仙白梵天言大士我今不求如是等事我
欲求智為衆生故我等孤稚少失覆蔭自隨
其心無教告者唯願大士施我智慧令我識
知善惡等業及了衆生善惡等業亦知衆生
國土城邑刹利婆羅門毗舍首陀男女大小
善惡等相受苦樂事諸王貪國無厭足者與
兵相伐盛衰等相若我知已當以方便教滅

惡相今得受樂

佛說相法
悉不譯出

虛空目分彌勒品第三

尔時彌勒菩薩即於佛前心念說偈問於如來
非有金路而有轉輪如來亦不任一切道
非道見道道見非道

佛言善男子非道者即是不出不滅不任非
智非智境非明非闇非常非斷非善非惡非
是色陰乃至識陰是名實性是名法性名一
切行名真實節是名非道如是道中諸佛如
來轉於法輪而不貪著如是諸道若有衆生
道見非道非道見道如是衆生不斷於道善
男子如來世尊於無道中而轉法輪為壞衆

生三種道故何等三道一煩惱道二者苦道
三者業道業者所謂行有煩惱道者所謂無
明愛取苦道者謂識名色六入觸受生老死
等如是三道何因緣有觸緣故有善男子因
眼見色而生愛心愛者即是無明爲愛造業
即名爲行至心專念名之爲識識共色行是
名名色六處生貪是名六入因入求受名之
爲觸貪著心者即名爲愛求是等法名之爲
取如是法生是名爲有次第不斷是名爲生
次第斷故名之爲死生死因緣衆苦所逼名
之爲惱乃至識法因緣生貪亦復如是是十
二緣一人一念皆悉具足出有三種一者因

出二者物出三者道出若有比丘修行法行
觀察所有愛心相貌比丘當觀若有愛心即
是無明無明之體能出二過一者出行二者
出識識亦有二一者出名二者出色名色亦
二一者無住二作六入六入亦二一不厭欲
二能生觸觸亦有二一生受心二者求受受
亦有二一受苦樂二生貪心愛亦有二一者
繫縛堅固二者求取取亦有二一者貪心二
者求有有亦有二一者樂住二者因緣緣亦
有二一者生老二者苦緣老亦有二一壞壯
色二作死因死亦有二一壞壽命二愛離別
是名出因云何物出若有比丘修習法行觀

如是法亦出亦滅是名物出。今時世尊告憍
陳如云：何道出？若比丘見道有二種：一者行
行二者慧行。憍陳如汝頗知是行行慧行耶？
憍陳如言：未知。世尊唯願如來為觀十二因
緣。比丘得大智慧，壞諸煩惱，分別解說。比丘
聞已，當具受持。今時世尊告寶幢童子：善男
子，汝頗能知息出入不不也。世尊善男子，法
行比丘先觀無明，乃至老死。云何名為觀於
無明？先觀中陰於父母所生，貪愛心愛因緣
故，四大和合精血二滴合成一滴，大如豆子
名歌羅羅，是歌羅羅有三事：一命二識三煖
過去世中業緣果報，無有作者及以受者。初

息出入是名無明。歌羅羅時氣息出入有二種。道所謂隨母氣息上下七日一變。息出入者名爲壽命。是名風道。不臭不爛。是名爲煖。是中心意。名之爲識。善男子。若有欲得辟支佛果。當觀如是十二因緣。復觀三受。因緣五陰。十二入。十八界。云何爲觀。隨於念心。觀息出入。觀於內身。皮膚肌肉。筋骨髓腦。如空中雲。是身中風。亦復如是。有風能上。有風能下。有風能滿。有風能焦。有能增長。是故息之出入。名爲身行。以出入息從覺觀生。故名意行。和合出聲。名爲口行。以如是等三行。因緣故。有識生。識因緣故。則有四陰。及以色陰。故名。

名色五陰因緣識行六處故名六入眼色相
對故名爲觸觸因緣故念色至法是名爲受
貪著於色乃至於法是名爲愛愛因緣故四
方求覓故名爲取取因緣故受於後身故名
爲有有因緣故有生老死種種諸苦是名五
陰十二入十八界十二因緣之大樹也是故
緣出入息能生一切諸苦煩惱是故凡夫生
時亦爲煩惱繫縛死時亦不能得身心
自在不得三昧不盡諸漏若有比丘觀出入
息如空中風無我我所無有作者及以受者
從緣而生從緣而滅無相無物無有覺觀衆
生風者亦復如是共四大行生歌羅羅時九

孔乃至九万九千諸孔出入無作無受是風
出入如是肉段以是因緣故有無明乃至老
死衆苦聚集善男子譬如虛空無物無我出
入諸息地水火風壽命煖識無明乃至生老
病死亦復如是衆生顛倒於非我中而橫見
我於如是等同虛空法作陰界入想一切凡
夫因是顛倒輪轉生死無有窮已若法行比
丘觀是息冷則舉身冷觀是息煖則舉身煖
是身尔時隨意隨風若觀冷時不得禪定不
入定聚是人則墮今地獄中若觀煖時不得
禪定不入定聚是人則墮熱地獄中若佛弟
子修習法行觀察出入息冷煖等時則得正道

法行比丘如實觀察無明乃至生老病死心
不顛倒是名淨目陀羅尼也善男子汝若能
受是陀羅尼即是真實觀入出息寶幢菩薩
白佛言世尊諸佛境界不可思議非是聲聞
緣覺所及余時四大天王白佛言世尊隨是
經典所流布處我等要當隨侍守護所有惡
事悉令消滅

虛空目分四無量心品第四

余時頻婆娑羅王白佛言世尊因諸聲聞辟
支佛等修行法行令閻浮提無有疾疫飢饉
惡事世尊菩薩摩訶薩修四無量心若有四
姓供養恭敬得幾所福佛言大王若有菩薩

修四無量隨所任國具八上事一者其土人
民供養父母增長慙愧恭敬沙門諸婆羅門
耆舊有德受持禁戒大王若諸國土有諸菩
薩修四無量其土人民則能成就如是初事
復次大王若有菩薩修四無量隨所任國其
土人民修習慈心遠離殺害其心調柔無有
濁心瞋恚之心平等無二是名爲二復次大
王若有菩薩修四無量隨所任國其土人民
不貪財寶樂爲惠施呵化貝盜竊是名爲三復
次大王若有菩薩修四無量隨所任國其土
人民自足妻色遠離非法呵責欲心是名爲
四復次大王若有菩薩修四無量隨所任國

其土人民真語實語無破壞語常修善語是
名爲五復次大王若有菩薩修四無量隨所
住國其土人民無有嫉妬濁惡之心是名爲
六復次大王若有菩薩修四無量隨所住國
其土人民正見不謬無有邪見是名爲七復
次大王若有菩薩修四無量隨所住國其土

人民一切供養恭敬三寶遠離惡見是名爲八大
王若有菩薩修四無量隨所住國其土人民具足
如是八種功德大王若有菩薩修四無量隨所
住國其土無有八怖畏事何等爲八一者無內外
軍畏二者無諸惡鬼畏三者無惡星宿畏四者
無諸惡病畏五者無諸惡狩畏六者無諸惡賊

畏七者無旱澇畏八者無穀難畏大王若有菩
薩修四無量隨所住國其土無有如是八畏大王
若有菩薩修四無量隨所住國其土具足八大丈
夫何等爲八一者有諸衆生已於過去無量佛所
深種善根如是大人樂生其土二者復有衆生已
於過去無量世中修戒多聞如是之人樂生其土
三者復有衆生已於過去無量世中供養父母
師長和上者舊有德如是之人樂生其土四者
復有衆生已於過去無量世中成就天業當受
天身故轉天身來生其土五者復有衆生能壞一
切三惡道業如是之人樂生其土六者復有衆生
具聲聞乘如是之人樂生其土七者復有衆生樂

緣覺乘如是之人來生其土八者復有衆生已
於過去無量世中修六波羅蜜如是之人樂生
其土大王若有菩薩修四無量隨所住國其土
具足如是八人大王若有菩薩修四無量隨所
住國其地具足上地水味無上法味衆生之味
一切衆生心相親愛如是衆生捨是身已得
生天上乃至鳥狩亦復如是大王譬如一篋
盛四種香一者沉水二者多伽羅三者牛頭
旃檀四者多摩羅葉如是四香合有四兩有
四姓人以四種衣置是篋中經數日已各自
賣去而是四香鉢兩不折然是衣中各各有
香大王若有菩薩修四無量隨所住國其土

人民各各成就種種功德而於菩薩無所損
減尔時頻婆娑羅王白佛言世尊菩薩摩訶
薩四無量心不可思議何以故菩薩摩訶薩
自身修習能令無量無邊衆生得大利益尔
時會中有一菩薩名曰淨光告無勝菩薩言
善男子汝今已得無上利益何以故汝常修
習四無量心無勝菩薩言善男子我今云何
得大利益如是法中無作無受無覺無見無
知無此無彼善男子如人自言能盡虛空瓔
珞莊嚴雖有是言真實不能一切諸法亦復
如是無出無壞無生無滅無有處所無覺觀
淨三解脫相無作無責如尔法界無轉無散

無合無礙無濁無邊猶如虛空無有和合無
欲無性無見無說法性無數無少無多無有
境界無二無著無量無色無聲寂靜無變無
量猶如虛空無比無勝無常無斷難見難知
難可思惟堅固無行無有瞋恚攝諸佛界是
名梵行名四無量如來修習心無歇足勤行
精進是名佛法大信大念大不放逸至心不
忘若菩薩摩訶薩修習如是四無量心即是
菩薩修行菩提甚深法界如是菩薩將欲近
入無生法忍行六波羅蜜護諸佛法已近第
三如法法忍真見佛身能摧魔眾及壞邪道
度生死河入大智海通達一切諸佛境界具

足莊嚴諸佛功德諸所有色種性財物勝諸
衆生次第當坐如來法座具足一切三昧摠
持不爲一切聖人所輕爲諸緣覺之所讚歎
常爲諸佛之所護念能解一切國土衆生種
種語言於諸法中不見受者及以施者亦無
說者及聽法者無有住者及以受者猶如虛
空淨光言善男子是故我言汝今成就無量
功德何以故已於無量無邊世中勤修習故
善男子若佛獲得十力無畏一切佛法出家
苦行達成正覺轉妙法輪示大神通入大涅
槃如是等事悉皆因修四無量心如是即是
四無量果以是義故諸善男子及善女人應

當修習四無量心說是法時二万衆生得隨慈
忍無量衆生具四無量心一切大衆咸供養佛
虛空目分淨目品第五

尔時有一菩薩童子名無勝意長跪合掌白
佛言世尊慈無量心有何等相有何等體何
等因緣何等果報云何具足佛言善哉善哉
善男子能問如是甚深之義尔時如來即入
三昧其三昧名調伏衆生無所畏懼入三昧
已從其肉髻放大光明其光猛盛有種種色
遍照無量無邊世界復出妙音而說偈言
淤泥之中生芙蓉
亦復生於種種花
衆生以之供養佛
并及一切諸天神

一切惡國亦如是

生諸聖人大菩薩

能調難調而調衆

猶如衆生華供養

娑婆世界惡土地

釋迦在中宣說法

若欲獲得無量利

應當往彼娑婆界

無量世界所有衆生聞是偈已各各供養其

土世尊既供養已乘佛神力悉來集會娑婆

世界至於佛所頭面禮拜却坐一面尔時此

界大寶房中無量衆生具足彌滿是諸衆生

各作是念獨我至此供養如來獨在佛前諮

問正法如來獨爲我一人說尔時世尊告無

勝意童子善男子慈有三種一衆生緣二者

法緣三者無緣善男子衆生緣者緣於五有

若法行菩薩欲得具足六波羅蜜大慈大悲
菩薩十地速得成就阿耨多羅三藐三菩提
轉正法輪調伏無量無邊衆生令度無邊生
死大河欲壞無量惡魔伴黨入大涅槃如是
菩薩應當修習四無量心應云何修若菩薩
摩訶薩為下方衆生乃至上方一切衆生修
習是慈視諸衆生如父如母如師和上如佛
世尊聲聞緣覺尔時應作如是思惟若有衆
生橫於我所起諸惡事菩薩尔時應作是念
若我嗔是惡衆生者則為十方諸佛所見是
大可恥當見呵責云何是人為阿耨多羅三
藐三菩提而自不能調伏其心譬如有人無

有脚足而欲趣彼鬱單越土如無目者而欲
讀書如無手者而欲執作遠離慈心而欲獲
得阿耨多羅三藐三菩提者亦復如是若不
能斷如是瞋心尚不能得聲聞菩提何況阿
耨多羅三藐三菩提若我不能調伏自心當
為諸佛聲聞緣覺天龍八部之所呵責若我
不能調伏自心當得大罪受地獄苦不得現
在未來利益是故應當修習慈心復作是念
若有於我已作諸惡始作欲作或以惡事加
於我親以利養事益於我怨亦復如是如是
觀已菩薩先於一方衆生修習慈心二三四
方四維上下亦復如是善男子是名菩薩慈

緣衆生尗時會中有一天子名曰明星白佛
言世尊若菩薩摩訶薩初修慈心如慈心
有何等果爲是現在爲在未來具足成就幾
所福德世尊如是菩薩修習慈心頗復當墮
三惡道不佛言善哉善哉善男子汝已於
供養恭敬無量諸佛是故今能發如是問

種善子善根堅固無量世中修習慈心不與
聲聞辟支佛共爲欲利益無量衆生是故今
者能作是問善男子諦聽諦聽今當爲汝分
別解說若有菩薩能如我先所說修慈是人
則得卧寤覺安不見惡夢資生所須無所乏
少諸天守護人天樂見不聞惡聲身不惡病

常樂寂靜勤行精進樂受正法知見無我常
爲國主沙門梵志男女大小乃至鳥獸之所
供養親近善友所謂聲聞緣覺諸佛菩薩樂
行慧施能度衆生所有善心不爲三毒之所
破懷善名好譽流布四方能療衆生所有惡
病能令衆生遠離衆苦能解衆生一切繫縛
能調衆生諸惡煩惱能壞一切惡邪異見能
與衆生信心念心大智慧心心住大乘無能
傾動不隨他語能壞衆生身口意惡能滅衆
生三種障業唯除五逆誹謗正法賢聖之人
劫招提僧物善男子菩薩若能如是修慈當捨
命時面見十方諸佛世尊手摩其頭佛手觸

故心則歡喜心歡喜故尋得徃至其佛國土
亦聞如是善妙之言所謂莫生怖畏莫生怖
畏汝是修慈純善之人定當得生淨佛世界
覲見無量諸佛世尊離三惡道必入涅槃亦
聞法緣無緣之慈亦得具足四無量心乃至
獲得阿耨多羅三藐三菩提爾時明星天子
聞是法時於諸禪定出入自在無勝意童子
白佛言世尊如是天子以何力故於禪定中
速入速出佛言善男子是天子者已於無量
諸如來所植諸善根無量世中修法緣慈本
願力故生四天處在日天前十千由旬所住
宮殿縱廣三萬二千由旬琉璃所成前後左

右滿十由旬諸天男女而共圍遶是人在中
離其眷屬三由旬所獨坐寶床出入禪定一
日一夜此四天下有八十天處六十龍處四
阿脩羅處四迦樓羅處五十二緊那羅處四
十六摩睺羅伽處八拘槃荼處三十富單餓
鬼處三十毗舍闍處於如是處悉能調伏
如是衆生以本願力故往皆發願此閻浮提
夜五分過餘一分在當在日前十千由旬先
當破壞閻浮提閻而作明相若閻浮提諸善
衆生欲度生死修禪定者當爲是人除去睡
眠施其念心若欲見我我當於夢現作和上
師長父母若有凡夫修習外道我當破壞其

人邪心示以正道若有衆生於世間事及出世事生懈怠者覩見我已除去懈怠勤修事業若有衆生迷失正路得見我時則還見道若有衆生身遇重病得見我者苦痛休息身得安眠受大快樂若有老人身受衆苦心多忘誤得見我者還得念心然我出時能令衆生繫心念善若有衆生命將欲盡最後一念我當爲說大乘經典彼旣聞已面見佛像捨身得生淨佛世界若有欲求辟支佛者我當爲說辟支佛乘若有欲求聲聞乘者我亦當爲說聲聞乘若有衆生有三惡業聞我說法惡業即滅世尊我先行於閻浮提國然後次

行於瞿陀尼瞿陀尼後次鬱單曰鬱單曰後
次弗婆提以如是等本願力故常得修行六
波羅蜜乃至得成阿耨多羅三藐三菩提時
明星天子白佛言世尊我今為欲利益一切
衆生故說此陀羅尼

盧遮羅一盧遮那二盧遮那三娑羅叉唆

娑羅叉唆五娑羅叉娑六阿娑呵七阿唆

持荼八阿娑闍娑九阿娑叉十阿又又又

又十一富羅娑邏十二阿娑又又十二闍娑

闍娑十四摩呵迦波十五阿娑阿娑摩呵娑十六

頻豆十八娑闍羯波十九阿鞞二十阿鞞二十一呵呵

尼摩二十二沫邏娑律闍二十三迦留那闍羅二十四

四
梁訶

世尊若有比丘比丘尼優婆塞優婆夷若男
若女若大若小若有至心念我事者是人則
得淨於諸業神通施戒忍辱精進禪定智慧
解脫佛土四無礙智如是諸人不得成就如
是事者我則欺誑十方諸佛於未來世亦莫
令我得阿耨多羅三藐三菩提今時無勝意
童子白佛言世尊他方佛土所有人民常作
是言娑婆世界雜穢不淨然我今者常見清
淨佛言如是如是善男子如汝所說又此世
界諸菩薩等或作天像調伏衆生或作龍像
或作鬼像或阿脩羅像迦樓羅像或緊那羅

像或摩睺羅像或夜叉像拘槃荼像毗舍闍
像荔薜陀像人像畜像鳥獸之像遊閻浮提
教化如是種類衆生善男子若爲人天調伏
衆生是不爲難若爲畜生調伏衆生是乃爲
難善男子閻浮提外東方海中有瑠璃山名
之爲潮高二十由旬具種種寶其山有窟名
種種色是皆菩薩所任之處縱廣一由旬高
六由旬有一毒蛇在中而任修聲聞慈復有
一窟名曰無死縱廣高下亦復如是亦是菩
薩所任處中有一馬修聲聞慈復有一窟
名曰善任處縱廣高下亦復如是亦是菩薩
所任處中有一羊修聲聞慈其山樹神名

曰無勝有羅刹女名曰善行各有五百眷屬
圍遶是二女人常共供養如是三獸善男子
閻浮提外南方海中有玻瓈山高二十由旬
其山有窟名曰上色縱廣高下亦復如是菩
薩管所住處有一獼猴修聲聞慈復有一窟
名曰誓願縱廣高下亦復如是亦是菩薩昔
所住處中有一雞修聲聞慈復有一窟名
曰法床縱廣高下亦復如是亦是菩薩昔
所住處中有一犬修聲聞慈中有火神有
羅刹女名曰眼見各有五百眷屬圍遶是
二女人常共供養是三鳥獸善男子閻浮提
外西方海中有銀山名菩提月高二十由

旬中有一窟名曰金剛縱廣高下亦復如是
亦是菩薩管所任處中有一猪修聲聞慈復
有一窟名香功德縱廣高下亦復如是亦是
菩薩管所任處中有一鼠修聲聞慈復有一
窟名高功德縱廣高下亦復如是亦是菩薩
本所任處中有一牛修聲聞慈山有風神名
曰動風有羅刹女名曰無護各有五百眷屬
圍遶是二女人常共供養如是三獸善男子
閻浮提外北方海中有一金山名功德相高
二十由旬中有一窟名爲明星縱廣高下亦
復如是亦是菩薩管所任處有一師子修聲
聞慈復有一窟名曰淨道縱廣高下亦復如

是亦是菩薩咎所住處中有一兔修聲聞慈
復有一窟名曰喜樂縱廣高下亦復如是亦
是菩薩咎所住處中有一龍修聲聞慈山有
水神名曰水天有羅刹女名修慙愧各有五
百眷屬圍遶是二女人常共供養如是三獸
是十二獸晝夜常行閻浮提內人天恭敬功

德成就已於諸佛發深重願一日一夜常令
一獸遊行教化餘十一獸安住修慈周而復
始七月一日鼠初遊行以聲聞乘教化一切
鼠身衆生令離惡業勸修善事如是次第至
十三日鼠復還行如是乃至盡十二月至十
二歲亦復如是常爲調伏諸衆生故善男子

是故此土多有功德乃至畜獸亦能教化演
說無上菩提之道是故他方諸菩薩等常應
恭敬此佛世界今時會中有一優婆塞名曰
淨德白佛言世尊我今可得覩見如是十二
獸不善男子若有比丘比丘尼優婆塞優婆
夷欲得覩見是十二獸欲得大智大念大定
大神通力欲受一切所有典籍四無量心欲
行正道得舍摩他欲得寂靜欲增善法是人
當以白土作山縱廣七尺高十二尺種種香
塗金薄帖之四邊周帀二十尺所散瞻婆華
當以銅器盛諸種種非時之漿置之四面清
淨持戒日三洗浴敬信三寶離山三丈正東

而立誦如是呪

戰阿羅呵一修利地比摩二其羅賧三沸已

羊邏四若地羊邏五阿呵希六婆呵囉希七

若地呵希八薩婆復多呵希九梨地婆呵休

十摩沙車婆羊梨十一迦婆浮十二邏奢浮十三

修邏地羊十四呿迦那十五摩希又婆十六

迦婆摩呵十七阿又比婆邏十八多波比婆十九

沙持因持利地鞞婆二十阿闍羊他婆二十一婆

盧婆叉二十二槃陀哆二十三遮羅叉婆希二十四

呵迦比羊二十五哆比勒搜二十六散遮勒搜二十七

七嚶嚶浮二十八婆羅婆叉搜二十九沸已遮三十

哆潔賴沙三十一陀叉邏婆三十二波利波遮三十三

三修邏修四三十搜婆娑五三十希邏莎六三十婆

羅羊娑羅娑七三十羊娑邏私八三十邏婆邏婆

九三十頻婆思邏娑十四娑婆邏娑十一四十陀摩盧

遮那邏娑十二四十富囊挫蘭呵邏婆十三四十首陀

盧遮那邏娑十四四十娑摩摩邏娑十五四十比摩盧

遮那吐伽十六四十薩顛摩邏娑十七四十阿利那遮

那禰禰十八四十比摩羊十九四十婆邏呵芒婆呵邏

私勉勉十五阿由比目一五十羊尼邏提致沙

二五十娑呵

住十五日常於山上見初月像尔時則知見

十二獸見已所願隨意即得善男子若能如

是修行苦行即得眼見是十二獸尔時淨德

優婆塞語 明星菩薩言善男子汝能教化調
伏衆生云何調伏爲以身耶口耶意耶善男
子我非身口唯以心業善男子若是心業爲
過去耶未來耶現在乎善男子亦非去來唯是
現在制現在心不令作惡善男子汝猶不能
令現在心獲得解脫云何而能調伏衆生 明
星荅言我今受持四無礙智淨目持力故能
調伏一切衆生淨德言四無礙智淨目持者
亦復不能調伏衆生何以故無覺觀故云何
而言能調衆生善男子我今問汝隨意見荅
善男子攝入繫縛解脫清淨道及寂靜雖復
平等亦不平等如是平等及不平等何因緣

生何因緣出何因緣增長汝寧知不乎淨德
答言善男子如是等事因我我所生出增長
明星菩薩言善男子是我我所何因緣生善
男子是我我所風因緣生明星菩薩言風住
何處善男子風住虛空又問虛空為何所住
答言虛空住於至處又問至處復何所住等

言至處何處住者不可宣說何以故遠離一
切諸處所故一切處所所不攝故非數非稱
不可量故非覺非觀非有非無非行非生非
出非滅非有增長非字非念非作非受非闇
非明非增非減非壯非老真實之性是一切
法無罣礙門是故至處無有住處明星菩薩

言善男子如是即是四無礙智淨目陀羅尼
若有菩薩修習如是陀羅尼者一切煩惱則
為爛敗入法緣慈一切法中無有疑心說是
法時十方世界無量衆生得法緣慈無量衆
生得近四無礙智淨目陀羅尼亦時世尊讚
是二人善哉善哉善男子能如法問能如法
答是陀羅尼因緣力故四天王等於我滅後
能守護法

大方等大集經卷第二十四

有

蔽

必祭及掩

棘刺

上紀力及下七賜及

匿王

上力及

雌虎

上七

斯及

下哺養

上音步食

號哭

上音毫

孤稚

下直

利及

及

幼逼及帝字滴歌羅羅下後卷廣皮下膚音

肌肉上飢饉下渠鎮及穀不日熟一惡狩下獸

宇星滂下即到及亢筮箱也也盛四上乘成

銖兩上銖音殊一二十遠音代及非字照字淞字泥於上

去卧寤下覺音悟也縱廣上足容及及嘍呂口口鞞和足

及薜荔上毗開及下趣也菹字鬼字典藉下才才貶和

悲檢昌俱俱啜丁可則卧音褥音辱又恐作

二及菟恐悞及作澆及及可則卧音褥音辱又恐作


二及菟恐悞及作澆及及可則卧音褥音辱又恐作

二及菟恐悞及作澆及及可則卧音褥音辱又恐作

二及菟恐悞及作澆及及可則卧音褥音辱又恐作

二及菟恐悞及作澆及及可則卧音褥音辱又恐作

二及菟恐悞及作澆及及可則卧音褥音辱又恐作



猪飼順良寄附

